

## Absenoldeb Astudio ar gyfer Meddygon Sylfaen

Dylid darllen y ddogfen hon ar y cyd â [Pholisi Absenoldeb Astudio Cymru Gyfan ar gyfer Meddygon a Deintyddion mewn Hyfforddiant](#).

### Hawliau — Amser a Chyllideb

Mae'r hawl amser mewn Sefydliad yn cael ei rannu rhwng y blynyddoedd F1 ac F2 o hyfforddiant.

| Blwyddyn Sylfaen 1                                              | Blwyddyn Sylfaen 2                                                    |
|-----------------------------------------------------------------|-----------------------------------------------------------------------|
| Hyd at 2 ddiwrnod ar gyfer cwblhau cwrs ALS <sup>1</sup>        | 3 diwrnod ar gyfer Diwrnodau Astudio F2 <sup>2</sup>                  |
| Hyd at 5 diwrnod ar gyfer rhagflas <sup>3</sup>                 | 5 diwrnod addysgu generig <sup>2</sup>                                |
| Hyd at 2 ddiwrnod o absenoldeb astudio cyffredinol <sup>4</sup> | Hyd at 5 diwrnod ar gyfer rhagflas <sup>3</sup>                       |
|                                                                 | Hyd at 8 diwrnod ar gyfer absenoldeb astudio cyffredinol <sup>4</sup> |
| <b>Cyfanswm - Hyd at 9 diwrnod</b>                              | <b>Cyfanswm - Hyd at 21 diwrnod</b>                                   |

  

|                                     |                              |
|-------------------------------------|------------------------------|
| <b>Dim Cyllideb Astudio ar gael</b> | <b>Cyllideb astudio £480</b> |
|-------------------------------------|------------------------------|

Mae gan Feddygon Sylfaen sy'n ymgymryd â Rhaglen F1 Arbenigol hawl hefyd i gymryd hyd at 5 diwrnod ychwanegol a £250 o gyllideb absenoldeb astudio i gefnogi elfen academaidd eu swydd.

<sup>1</sup> Mae'r cwrs ALS yn cael ei drefnu gan ganolfannau ôl-raddedig lleol, fel arfer tuag at ddechrau'r flwyddyn hyfforddi. Dim ond ar gyfer elfennau addysgu wyneb yn wyneb y cwrs y gellir cytuno ar absenoldeb astudio, a gellir defnyddio Amser Hunan-Gyfeiriedig (SDT) yn lle hynny i gwblhau unrhyw fodiwlau e-Ddysgu cysylltiedig.

<sup>2</sup> Mae Diwrnod Astudio F2 ac addysgu generig yn cael eu hamserlennu gan Fyrddau Iechyd ac mae presenoldeb yn orfodol.

<sup>3</sup> Yn ddelfrydol, dylid cynnal rhagflas Gyrfa/Arweinyddiaeth o fewn yr un Bwrdd Iechyd, er y gellir eu cynnal o fewn Cymru lle mae rheswm penodol.

<sup>4</sup> Gellir cymryd absenoldeb astudio cyffredinol i fynychu/cyflwyno mewn cynadleddau ac ar gyfer sefyll arholiadau sy'n angenrheidiol ar gyfer datblygiad gyrfa. *Ni chaniateir amser i ffwrdd i baratoi ar gyfer arholiadau ac "astudio preifat".*